

ՀԱՅԱՍՏԱՆԻ ԿՈՄՈՒՆԻՍՏԱԿԱՆ ՊԱՐՏԻԱՅԻ  
ԿԵՆՏՐՈՆԱԿԱՆ ԿՈՄԻՏԵԻՆ

ՀԱՅԿԱԿԱՆ ՍՈՎԵՏԱԿԱՆ ՍՈՑԻԱԼԻՍՏԱԿԱՆ  
ՌԵՍՊՈՒԲԼԻԿԱՅԻ ԳԵՐԱԳՈՒՅՆ ՍՈՎԵՏԻ  
ՆԱԽԱԳԱՀՈՒԹՅԱՆԸ

ՀԱՅԿԱԿԱՆ ՍՍՈՒ ՄԻՆԻՍՏՐՆԵՐԻ ՍՈՎԵՏԻՆ

Սովետական Միության Կոմունիստական պարտիայի Կենտրոնական Կոմիտեն, Սովետական Սոցիալիստական Ռեսպուբլիկաների Միության Գերագույն Սովետի Նախագահությունը և ՍՍՌՄ Մինիստրների Սովետը ջերմորեն ողջունում և շնորհավորում են Հայաստանի բանվորներին, կոլտնտեսականներին, ինտելիգենցիային, բոլոր աշխատավորներին՝ նշանավոր տարեթվի՝ Հայաստանում Սովետական իշխանության հաստատման և Կոմունիստական պարտիայի կազմավորման 40-ամյակի առթիվ:

Հայաստանի Կոմունիստական պարտիան Սովետական Միության Կոմունիստական պարտիայի մարտական ջոկատներից մեկն է: Մեր երկրի մյուս ժողովուրդների հետ սերտորեն միաբանած, Կոմունիստական պարտիայի ղեկավարությամբ Հայաստանի աշխատավորներն անցել են ինքնակալության և կապիտալիզմի դեմ, դաշնակների նացիոնալիստական բանդաների դեմ մղված պայքարի մեծ ու փառավոր ուղի: Սովետական իշխանության հաղթանակով Հայաստանի աշխատավորները պատմության մեջ առաջին անգամ ստացան իսկական ազատություն և անկախություն: Սովետական Հայաստանը, վերջ տալով դարավոր հետամնացությանը, սոցիալիստական շինարարության տարիներին դարձել է ծաղկուն, խիստ զարգացած սոցիալիստական ռեսպուբլիկա:

Հայրենական Մեծ պատերազմի տարիներին Հայաստանի բանվորները, կոլտնտեսականները և ինտելիգենցիան սովետական ամբողջ ժողովրդի հետ մեկտեղ արիարար պաշտպանեցին մեր Հայրենիքի ազատությունն ու անկախությունը, ցուցադրեցին սովետական ջերմագին հայրենասիրություն և նվիրվածություն Կոմունիստական պարտիային, կոմունիզմի գործին:

Սոցիալիստական մեծ վերափոխությունները հայ ժողովրդի առջև բաց արեցին պայծառ ապագայի՝ կոմունիզմի լայն հաճապահը:

ՍՄԿ XXII համագումարը մեր երկրի առջև դրեց կոմունիզմի ծավալուն կառուցման, արտադրողական ուժերի հետագա հզոր վերելքի, սովետական մարդկանց նյութական և կոլտնտեսական մակարդակի անշեղ անման վիթխարի ծրագիր: Անդրկովկասի մյուս ժողովուրդների հետ ջերմ բարեկամությամբ, Սովետական Միության եղբայրական ժողովուրդների միասնական բնտանի-

ում Հայաստանի աշխատավորներն անձնվիրաբար պայքարում են յոթնամյա պլանը ժամկետից շուտ կատարելու համար, կոմունիզմի նյութա-տեխնիկական բազայի ստեղծման համար: Արագ տեմպերով զարգանում է ուսուցիչական արդյունաբերությունը, այդ թվում այնպիսի կարևորագույն ճյուղեր, ինչպիսիք են հաստոցաշինությունը, էլեկտրատեխնիկական արդյունաբերությունը, սարքաշինությունը, բիմիական արդյունաբերությունը, գունավոր մետալուրգիան: Անշեղորեն աճում է ժողովրդական սպառման առարկաների արտադրությունը: Ռեսպուբլիկայի արդյունաբերության համախառն արտադրանքն ընթացիկ տարում 1913 թվականի մակարդակը կզերազանցի համարյա 70 անգամ: Ռեսպուբլիկայի ժողովրդական տնտեսության համար կարևոր նշանակություն ունի վերջերս շահագործման հանձնված Ղարաղալ-Երևան գազամուղը, որի կառուցումը ՍՍՌՄ Եղրայրական ժողովուրդների բանկամության և փոխօգնության վառ օրինակ է:

Արմատապես փոխվել է հայ գյուղի դեմքը: Հավերժի գիրկն են անցել նրա աղֆատությունն ու հետամնացությունը: Հենվելով կոլտնտեսային կարգերի առավելությունների վրա, հայ գյուղի աշխատավորները պայքար են մղում գյուղատնտեսական արտադրության հետագա անման համար:

Աճում է աշխատավորների նյութական բարեկեցությունը, բարելավվում են նրանց բնակարանային-կենցաղային պայմանները: Մաղկում է հայ ժողովրդի սոցիալիստական կուլտուրան: Ռեսպուբլիկայի հանրակրթական դպրոցներում սովորում են ինը անգամ շատ երեխաներ, քան 1913 թվականին: Բարձրագույն և մասնագիտական միջնակարգ դպրոցներում սովորում են 33 հազար ուսանողներ: Ռեսպուբլիկայում ստեղծված է գիտա-հետազոտական հիմնարկների, կինոթատրոնների, գրադարանների, կուլտուրայի պալատների, ակումբների, բանգարանների, առողջապահական հիմնարկների, մանկապարտեզների և մանկամսուրների լայն ցանց: Հաջողությամբ զարգանում են գրականությունն ու արվեստը:

Սովետական Հայաստանի աշխատավորներն իրենց պանծալի հորելյանը՝ Ռեսպուբլիկայի 40-ամյակը նշում են այնպիսի մթնոլորտում, երբ մեր ամբողջ ժողովուրդը պատրաստվում է արժանավայել կերպով դիմավորելու Սովետական Միության Կոմունիստական պարտիայի XXII համագումարը:

Նախահամագումարյան մրցությունը յայնուրեք ծավալվել է Հայաստանի ձեռնարկություններում, կոլտնտեսություններում և սովխոզներում: Ձեռնարկությունների և կառույցների կոլեկտիվները պայքարում են աշխատանքի արտադրողականության բարձրացման համար, պլանները ժամկետից շուտ կատարելու համար, արտադրանքի ինֆնարժեքը իջեցնելու և որակի բարձրացնելու համար: Դյուղի աշխատավորները անձնվիրաբար աշխատում են կենսագործել գյուղատնտեսության հետագա վերելքի այն ծրագիրը, որը մշակել է ՍՄԿԿ Կենտկոմի Հունվարյան պլանումը:

Սովետական Միության Կոմունիստական պարտիայի Կենտրոնական Կոմիտեն, ՍՍՌՄ Կենտրոնական Սովետի Նախագահությունը և ՍՍՌՄ Մինիստրների Սովետը հաստատ վստահություն են հայտնում, որ Հայաստանի աշխատավորները Կոմունիստական պարտիայի ղեկավարությամբ բոլոր ջանքերը կգործադրեն, որպեսզի է՛լ ավելի արագ տեմպերով առաջ շարժվեն կոմունիստական շինարարության ուղիով և պատվով կկատարեն Ռեսպուբլիկայի առջեկանգնած մեծ ու պատասխանատու խնդիրները:

Տաղանդավոր հայ ժողովրդին մաղբում ենք նոր հաջողություններ կոմունիզմի կառուցման, ուսպուրիկայի էկոնոմիկայի և կուլտուրայի զարգացման, աշխատավորության բարեկեցության հետագա անշեղ բարձրացման ասպարեզում:

Կեցցե՛ Հայկական Սովետական Սոցիալիստական Ռեսպուբլիկայի 40-րդ տարեդարձը:

Կեցցե՛ Հայաստանի Կոմունիստական պարտիան՝ ՍՄԿ-ի մարտական ջոկատը:

Կեցցե՛ մեր մեծ Հայրենիք՝ Սովետական Սոցիալիստական Ռեսպուբլիկաների Միությունը:

Թո՛ղ ամրապնդվի և ծաղկի ՍՍՌԽ ժողովուրդների եղբայրական անխախտ բարեկամությունը:

Փա՛նք Սովետական Միության Կոմունիստական պարտիային:

ՍՄԿ  
ԿԵՆՏՐՈՆԱԿԱՆ  
ԿՈՄԻՏԵ

ՍՍՌԽ  
ԳԵՐԱԳՈՒՅՆ ՍՈՎԵՏԻ  
ՆԱԽԱԳԱՀՈՒԹՅՈՒՆ

ՍՍՌԽ  
ՄԻՆԻՍՏՐՆԵՐԻ  
ՍՈՎԵՏ